

bentibus autem symbolum, facilius est transitus: generavit sanguinem biliosum, devenit ad paracasticam ætatem, potuit generare plurimum humorem melancholicum. Accedunt aliæ causæ non corporeæ, sed extrinsecæ. Fuit conditionis talis, in qua habuit omnia quæ potuerunt supercalefacere hepar: bibit vinum potentissimum. Credo quod cum nauta esset, vltus fuerit cibariis falsis & acribus, quæ supercalefaciunt hepar sine qualitatibus primis. Alimenta præter calorem auctum potuerunt generare humorem melancholicum: nam à calore igneo & immoderate se habente, per se generatur plurimus humor melancholicus: si accedat secundum, scilicet alimentum generans melancholiam, potentissima erit causa aggregandi humores melancholicos. Habuit insignem caliditatem hepatis, & in ~~multo~~ multo magis auctus calor iste est, ex modo substantiæ cibi melancholici. Nisi fuisset adiuventum nature per fluxum hæmorrhoidum, incidisset non in pforam, sed in elephantiam. Materia continuo expurgata fuit per fluxum. Qui subiecti sunt huic fluxui, liberantur ab omnibus humoribus melancholicis. Potentissima causa in hoc fuit, cum haberet eum fluxum, & tamen habuit hunc morbum. Quo ad catarrhum, corpus ita paratum est ad catarrhum stante ratione victus, ut nullum corpus videatur magis opportunum. Talis enim temperatura corporis mittit vapores ad caput continuo, tertio de Locis affectis. Ab ambitu totius corporis ascendant vapores stante pessima ratione victus: & hinc etiam tinnitus aurium, propter motionem spirituum. Catarrhus ex ea parte materiæ est in cerebro naturaliter frigidus (Nam in naturali sua substantia propria, omne cerebrum frigidum & humidum est, sed dicitur respectu calidum, humidum & siccum, cum tamen omnia sint frigida & humida) Ideo cum sit cerebri propria natura frigida & humida, condensat vapores, & sic fit catarrhus, & hic facit anhelitus difficultatem, & tussim. Non tamè est insignis læsio adhuc ex hoc catarrho. Pruritus facile curabitur, si modo non patiarur elephantiam. Pfora est initium elephantiam: oportet ut ipse sibi sit medicus. Circa curam duo sunt faciendæ: primò tollendus morbus factus, secundò causæ quæ faciunt. Morbus factus sunt pustule, defœdatio circa cutem, quæ abstergendo mundificanda est: quod non fiet nisi materia remoueat, quæ in toto ambitu venarum fouet continuè illam partem. Oportet omnino remouere materiam. Duæ ergo sunt indicationes: primò, ut abstergatur cutis: secundum, ut remoueat materia. Est & tertia indicatio: nam si remoueat materia, & abstergatur cutis, & non remoueamus caliditatem hepatis, & causas efficientes & extrinsecas occurrentes, nihil proderit. Primum ergo est abstergere cutem: secundum, remouere humorem: tertium, alterare hepar: quartum, regulare rationem victus. Incipiamus ab euacuatione, sine qua nec alterare, nec abstergere cutem, neque nutrire corpus cibis convenientibus possumus. Mundificandum corpus cum his quæ mundificant humores peccantes, scilicet humorem melancholicum, sanguinem & pituitam, quæ redundat

A ex descensu catarrhi. Accedit portio bilis, redundant omnes quatuor humores. Alij humores coquantur & præparantur. Sanguis non expectat aliam coctionem, debet euacuari sine præparatione. Facta purgatione humorum in primis venis cum cassia, deueniatur ad misionem sanguinis, ut euacuetur principalis humor sanguinis, & fiat sæpè. In humore enim melancholico ubi permixtus est sanguini, iteranda est phlebotomia, & euacuetur per interualla: deinde bene nutriatur, **B** post iterum euacuetur, idque à basilica. Intentio est non tantum euacuare humores, sed simul alterare membra, quod possumus facere vno remedio, non debemus facere pluribus. In vtroque latere secunda vena, & ab vtraque basilica. Secundò fiat euacuatio præcipuè duorum humorum, melancholici & pituitæ. Biliolus humor facile coquitur & expellitur. Rhasis vult bilem non indigere coctione: sed indiget leni coctione, facili momento coquimus. Maiore coctione indiget pituita & melancholia. Sunt concoctiua in communi vsu, quæ respiciunt pituitam, non considerando humorem melancholicum, quem aggrediar postea. Ex multitudine pituitæ obstruuntur venæ suæ visciditate, & ille humor retinet alios humores ne sint præparati: obstruit quoque. Quando igitur pituita in venis est cum humore melancholico, non debemus vtrunq; simul præparare. Pituita indiget incisuius abstergentibus: humor melancholicus aliquali humectatione, ut fiat facilis ad excretionem: non est viscidus, sed crassus, qui indiget humectatione. Quæ faciunt ad coctionem pituitæ, non faciunt ad concoctionem humoris melancholici. In hoc casu inciperè à pituita. Oxy-mel, & syrupus acetosus incidunt sine calefactione. Non multum calefacere, ne humori melancholico nocerem. Danda sunt quæ incidunt lapides & calculos. Vtrum acetum conueniet digestioni humoris melancholici? Si hoc non, quanto magis dubitabitur de calefacientibus? Acetosa conueniunt partibus terrestribus, confringunt calculum & lapides. Darem syrupum acetosum, oxy-mel, cum melle rosato. Euacuarè postea cum coctione hamech, in qua epithymum & myrobalani. Item iis quæ euacuant humorem pituitosum, ut pilulæ de Agarico. Darem agarici ʒ.ij. cum ʒ.j. cassiæ: his enim & humorem pituitosum, & melancholicum purgabimus. Ad præparationem verò melancholici darem syrupum de pomis dulcibus, Sabor regis. Item decoctum liquiritiæ quod maximè cõfert ad humorem siccum & frigidum. Item maluæ decoctio cum iuribus pinguibus pulli: postea euacuarè cum illis decoctis traditis à Mesue. Deinde apponerè elleborum nigrum, ut in superiori syrupo ostensum est. Et si addes, non plus q̄ ʒ. semis corticum ellebori nigri, felicissimè operatur ter aut quater sine molestia. Quod si detur ante euacuationem pituitæ, lædet, & nihil proderit ista euacuatio. Pituita semper ante purgationem Melancholici succi optimè euacuetur. Soleo dare sex vicibus syrupum nostrum, & euacuat quadragies, ac si debilitas accidat, tunc intermitto vnâ potionem. Facta euacuatione abstergenda cutis. Fieri possunt linimenta ex succo lapathij, limonum, ellebori cor-